


胡子佩抄

二



		九	漢
	四	六	書
	七	六	門
六	七	一	
六	七	六	
冊	架	函	號 類

庫	文	閣	內
九	九	四	漢
函	一	六	書
架	冊	號	類

內閣文庫			
番號	漢	9466	
冊數	6 ( 2 )		
函號	299	98	

共六本



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak




新刻胡子佩抄卷之二

明錢唐胡文煥德父纂輯

淺草文庫

修身類丁



儉有四益勤亦有三益蓋民生在勤勤則不匱一夫  
不耕必受其饑一婦不蠶必受其寒是勤可以免饑  
寒也農民晝則力作夜則頽然甘寢故非心淫念無  
從而生晉公父文伯之母曰瘠土之民莫不向義勞  
也淵明詩曰田家豈不苦弗獲辭此難四體誠廼疲  
而無患千是勤可以遠淫辟也戶樞不蠹流水不  
腐周公論三宗文王之壽必歸之無逸呂成公釋之

月一風少卷一

曰主靜則悠遠博厚自強則堅實精明操存則血氣  
循軌 不亂收斂則精明內守而不浮是勤可以致  
壽考 凡人貪淫之過未有不生於奢侈者儉則不  
貪不淫是可以養德也人之受用自有劑量省嗇淡  
泊有久長之理是可以養壽也醉釀飽鮮昏人神志  
若蔬食菜羹則腸胃清虛無滓無穢是可以養神也  
奢則妄取苟求志氣卑辱一從儉約則於人無求於  
己無愧是可以養氣也書永編  
人有九德一曰容物之德二曰樂善之德三曰好施  
之德四曰進人之德五曰保常之德六曰不妄之德

七曰勤身之德八曰愛物之德九曰自謙之德郭林宗

禍之所來皆生於利苟不求利禍從何生

則陽錄

人生至樂無如讀書至要無如教子夫人生身列三  
才至貴存焉心涵萬善至富存焉省事可以養心寡

言可以養氣書永編

君子錄人之長而忘其短小人撫人之短而忘其長上同

情慾之路者好之府也目愛采色命曰伐性之斤耳  
樂淫聲命曰攻性之鼓口貪滋味命曰腐腸之藥鼻  
悅芳馨命曰薰喉之煙身安輿駟命曰召蹙之機此  
五者所以養生亦所以傷生上同

讀書可以滌慮可以養心可以解鬱可以舒襟可以  
益智可以凝神劉仕

劉道 自攻其過二十佻易辨急遇事輒發狷介剛  
直忿不怠難說古非今不達時變疑滯少斷勞而無  
功妄自標致擬倫勝已疾惡太甚不恤怨怒事上方  
簡遇下苛察直語自信不遠嫌疑執守小節堅確不  
移求備於人不恤咎怨多言不中節高談無畔岸臧  
否品藻不掩人過惡立事隨眾好更革應事不揣已  
度德過望無紀交淺言深戲謔不知止任事不避禍  
議論多譏刺論事無機械行止無規矩人不忤已而

隨眾毀譽事非大害而憂患大過以君子行義責望  
小人

吳處厚論相有三十六善夫人嘗言意氣求官自如  
此一也有剛有柔二也慕善近君子三也有美食分  
人四也不近小人五也常行陰德方便事六也能治  
家七也不厭人乞覓八也利人克己九也不逐惡貪  
殺十也聞事不驚張十一也與人期不失信十二也  
不改行易操十三也夜臥不便睡着十四也馬上去  
不回頭十五也人不憎怒十六也不文過飾非十七  
也作事周匝十八也不忘人恩十九也有大量二十

也不毀善害惡二十一也濟人急難二十二也不助  
 強欺弱二十三也不忘故舊二十四也為事衆不用  
 之二十五也不多言妄語二十六也得人物每自慚  
 愧二十七也語有敘二十八也當人語次不先起二  
 十九也常言善事三十也不嫌惡衣食三十一也方  
 圓隨時三十二也行善不倦三十三也知人饑渴勞  
 苦三十四也不念舊惡三十五也竭力救難三十六  
 也

遣妄情如刀之伐樹非一斧可倒求真理如食之充  
 腸非一口可飽老智餘書

不患念起惟患覺遲此心若同大虛煩惱何處安脚禪書

庸匠誤器器可他求庸婦誤衣衣可別製庸師誤子

弟子弟可復胚乎畫永編

寡言擇交可以無悔吝可以免憂辱坐密室如通衢

馭寸心如六馬可以免過同上

聲色者敗德之具思慮者戕生之本同上

夙興夜寐所思忠孝者人不知天必知之飽食煖衣

怡然自得者身雖安其如子孫何同上

保生者寡欲保身者避名無欲易無名難同上

溺愛者受削於妻子患失者屈已於富貴同上

盛名必有重責大巧必有奇窮同上

人之常病有十種喜論人之過不自訟其過嫉人之

賢已見賢不思齊有過不改而必文不稱事而增語

與人計較曲直喜窺人之私樂與不肖者遊好友其

所教試反已而思之若一日去其一則十日亦盡去

矣黃山谷

一年之計莫若樹穀十年之計莫若樹木終身之計

莫若樹人畫永編

目見百步之外不能自見其背而心能自知自克也同上

慮不先定不可以應卒兵不預整不可以當敵廟筭

千里帷幄之奇百戰百勝黃帝之師同上

善游者必溺善騎者必墜傷於所持故也同上

小智不足以保身而深謀適足以召禍同上

堅則必斷剛則必折萬事之中忍字為上同上

明鏡所以見形往古所以知今同上

天之將明必倏暗而後明火之將滅必霎明而始滅

花果木將死先一年必繁華而盛實其氣始脫惟人

事亦有之倏暗者非所憂霎明者不足喜盛之極者

衰之兆也同上

聖人不貴其獨治貴能與衆共治工垂不貴其獨巧

貴能與眾共巧同上

凡人富則不羨爵祿貧則不畏刑法不羨爵祿者自足於己而不畏刑法者不賴其身也二者為國之所甚蠹而不知防之故令不行禁不止由爵祿而後富則爭盡力於其君矣由刑罰而後貧則人咸畏而從善矣同上

兩智不能相使兩貴不能相臨兩辯不能相屈力鈞勢敵也慎子云兩賤不能相事兩貴不能相使同上賢者不用其所短而用愚人之所長不用其所拙而用愚人之所工困天下之智者不在智而在愚窮天

下之辯者不在辯而在訥同上

天不能春菊冬蓮是以聖人不違時地不能洛橘汝貉是以聖人不違俗人不能手步足握是以聖人不違我所長同上聖人不能使魚馳獸飛是以聖人不違物

食穀而鄙田夫衣帛而笑蠶婦豈不惑哉同上

食水者善遊而耐寒魚食土者無心而惠蚓食蟲者多力而愚麋食桑者有絲而蛾蠶食肉者勇敢而悍虎食氣者神明而壽仙食穀者慧智而矢人同上虎豹之軀未成文而有食牛之氣鳩鵠之殼羽翼未

洽而有四海之心上同

得十良馬不如得一伯樂得十良劍不如得一歐冶

得地千里不如得一賢人上同

戒太察太察則無含弘之氣象覺人詐而不形於言

有餘味薛文清

聽黃鐘之聲然後知擊缶之細觀袞龍之文然後知

被褐之陋倦立而思遠不如遲行之必至也孤居而

願知不如務學之必達也志者學之帥也才者志之

役也學者不患才之不瞻患志之不立是以為之者

億兆成之者無幾君子必立其志書編

作法貴於易避而難犯救弊貴於省事而一令草鬱

則為腐樹鬱則為蠹人鬱則為病國鬱則百匿並起

所謂國鬱者主德不下宜人欲不上達也上同

兒童之所喜者耆耄之所非耳目之所娛者乃心慮

之所疾上同

人有十八蔽言大而智小好謀而疎闊劇談而不辨

慎密而漏言尚風義而齷齪樂善而不能行與人和

而好異議不畏強禦而無勇不貪權利而好躁進儉

嗇而徒費欲速而遲鈍識暗強料事非法家而深刻

樂放縱而拘小禮樂易而多憂喪動而惡靜多思而



處事每忤多疑而數為人所欺捫虱新話

人情苦厭其所有羨其所不可得未得則羨已得則

厭厭而求新則為惡無不至矣涑水迂書

近朱者赤近墨者黑近賢者明近才者智近癡者愚

近良者德近智者賢近愚者暗近佞者諂近偷者賊公太

少不勤苦老必艱辛少能服勞老必安逸雜言

食列數味放筋即空出多騶從既到即空終日遊觀

既歸即空又如為善事既畢其勤勞即空而善業具

在為惡事既畢其快意即空而惡業具在若深悟此

理則食可菲薄無過用殺害之冤債出可隨分無勞

心苦人之煩惱遊觀可息無放蕩廢事之愆尤善可

勉為無懈怠因循之失惡可力戒無恣縱怨讐之罪

龍舒子

邨無君子則與雲山為友里無君子則與松竹為友

坐無君子則與琴酒為友漫叟拾遺

知命不如平心平心不如忘情夫平心能正是非忘

情能滅有無同上

天下賢愚營營然若飛蛾之投夜燭蒼蠅之觸曉窓

知往而不知返知進而不知退但知避害而就利不

知聚利而就害夫賢於人而不賢於身何賢之謂也

博於物而不博於己何博之謂也是以大人利害俱

忘何往不臧譚子

善馳者終於蹶善鬪者終於敗有數則終有智則窮

巧者為不巧者所使詐者為不詐者所理同上

疑人者為人所疑防人者為人所防君子之道仁與

義中與正爾同上

救物而稱義者人不義之行惠而求報者人不報之

民之情也讓之則多爭之則少就之則去避之則來

與之則輕惜之則奪是故大義無狀大恩無象同上

為惡者畏人識必有識者為善者欲人知必有不知

者是故人不識者謂之大惡人不知者謂之至善好

行惠者恩不廣務奇特者功不大善博奕者智不遠

文綺麗者名不久是以君子惟道是貴惟德是守所

以能萬世不朽同上

居家者慈儉以安分居官者廉勤以守節續觀感錄

治身養性務謹其細不可以小益為不足而不修不

可以小損為無傷而不防凡聚小所以就大損一所

以至億也若能愛之於微成之於著則知道矣養生類纂

安分以養福寬胃以養氣省費以養財則陽錄

天下之物甘者常少而苦者常多天下之情苦者常

多而樂者常少處樂者易而處苦者難故為學者必  
 攻苦食淡疲精力而不敢逸立身者必殫水齧蘄絕  
 嗜慾戒遊逸而不予便安是圖蒞政治事者必勞心  
 焦思鞠躬盡瘁先天下之憂而憂後天下之樂而樂  
 然後學可成身可立而政事可行也同上  
 未雨而雷雨必不成未行而言行必不成古人所以  
 恥躬之不逮也厲阜錄  
 世人既處富貴之地便謂分定不循義理殊不知禍  
 福隨時變異不可不慎應驗錄  
 速不如思便不如當用意不如平心清修集

蒞官有三莫事來莫放事去莫追事多莫怕同上  
 行軍惟三事不殺人不虜人婦女不焚人廬舍胡武莊公  
 君子有三惜此生不學一可惜也此日間過二可惜  
 也此身一敗三可惜也夏寅  
 保初節易保晚節難韓魏公  
 君子之於人也當於有過中求無過不當於無過中  
 求有過伊川  
 高尚之人固不以名位為光寵忠正之士亦不以窮  
 達易志操錢若水  
 去惡而從善舍非而從是人或知之而不能徙以為

如制悍馬如斡礪石之難反而思之在我而已如轉戶樞何難之有

疾惡之心固不可無然當寬心緩思可去與否審度

時宜而處之斯無悔切不可聞惡遽怒先自焚撓縱

使即能去惡已亦病矣况傷於急暴而有過中失宜

之弊乎從政名言

以德勝人則強以財勝人則凶以力勝人則亡魯公

心無妄思足無妄行人無妄交物無妄受康節

明達者言順剛正者言勵簡靜者言直謙恭者言微

執中者言僻虛誑者言繁躁進者言急鹵莽者言粗

愚頑者言鈍陰毒者言而含笑言之所至以此驗之

其言泛泛終無所成其言便便終不困滯凡人之言

保乎氣貴乎神和也神和則言而有志與人之言貴

乎有信貴乎有理讒言勿入耳邪言勿出耳聽言以

事察則言之所以為吉與貴也人相編

貴蓄孔鷗賤視賓客肥飼猿鹿瘦役輿臺不義而富

貴者之積習也三省約

柔仁者有後剛暴者難繼好生者祥好殺者殃上同

人之不幸莫過於自足恒若不足故足自以為足故

不足甕盜易盈以其狹而拒也江海之深以其虛而

受也虛已者進德之基上同

虛靈之府神明所居不可以他物雜之他物雜之則

神明不守神明不守則身無所主身無所主則危矣上同

人為事遂志不可喜有不遂志不可憂其中禍福難

知故也上同

天道之禍淫不加悔罪之人唯悔則善心生故可免上同

不妄求則心安不妄作則身安身心既安樂在其中

矣上同

彼以慳吝狡偽之心待我吾以正大光明之體待之康齋

以衆資已者心逸而事濟以已禦衆者心勞而怨聚

景行錄

不自重者取辱不自畏者招禍不自滿者受益不自

是者博聞吉凶悔吝無有不由已者上同

廣積不如教子避禍不如省非上同

責人者不全交自怨者不改過上同

屈已者能處衆好勝者必遇敵上同

利可共而不可獨謀可寡而不可衆獨利則敗衆謀

則泄上同

仁者正其誼不謀其利明其道不計其功董仲舒

丈夫處世行已不可不宏常令我容人勿令人容我

寧令人負我勿令我負人終寢錄

言其所善行其所善思其所善如此而不為君子未

之有也言其不善行其不善思其不善如此而不為

小人未之有也同上

稱人之善或過其實不失為君子揚人之惡或損其

真寧免為小人同上

魚貪以死餌士貪以死祿同上

作善降之百祥作不善降之百殃尚書

勿以惡小而為之勿以善小而不為漢昭烈書

飾己以教人者逆正己以教人者順素書

慎言語以養其德節飲食以養其體事之至近而所

繫至大者莫過於言語飲食也近思錄

治怒為難治懼亦難克己可以治怒明理可以治懼

同上

道吾惡者是吾師道吾好者是吾賊明心寶鑑

勤為無價之寶儉是護身之符公太

慾多傷神財多累身老子

自滿者敗自矜者愚自賊者忍景行錄

人非賢莫交物非義莫取念非善莫舉事非見莫說

謹則無憂忍則無辱靜則常安儉則常足明心寶鑑

傲不可長慾不可縱志不可滿樂不可極禮曲

一行有失百行俱傾太公

不檢細行終累大德明心寶鑑

聞人之謫當自修聞人之譽當自懼胡敬齊粹言

知足可樂多貪則憂景行錄

知足者貧賤亦樂不知足者富貴亦憂同上

有過不知者蔽以言取怨者禍素書

心不負人面無慚色明心寶鑑

寧無事而家貧莫有事而家富寧無事而住茅房莫有事而住金屋寧無病而食粗飯莫有病而食良藥

益智書

天子不忍國空虛諸侯不忍喪其軀官吏不忍刑罰

誅兄弟不忍各分居夫妻不忍令子孤朋友不忍情

意疎自身不忍患不除孔子

法不加於君子禮不責於小人太公

憫人之凶樂人之善濟人之急救人之危

無故而得千金不有大福必有大禍蘇東坡

大厦千間夜臥八尺良田萬頃日食二升明心寶鑑

官怠於患成病加於小愈禍生於懈惰孝衰於妻子

察此四者慎始慎終苑說

持已得一敬字接物得一謙字薛子粹言

為政之要曰公與清成家之要曰儉與勤景行錄

讀書成家之本循理保家之本勤儉治家之本和順

齊家之本明心寶鑑

勤者富之本儉者富之源同上

一生之計在於勤一年之計在於春一日之計在於

寅幼而不學老無所知春若不耕秋無所望寅若不

起日無所辨孔子三

思天理則心廣而明思人欲則心狹而暗薛子粹言

善不可失惡不可長左傳

節食則無疾擇言則無禍西疇常言

功不可以虛成名不可以偽立戲賓

輕諾者信必寡面譽者背必非要銓

盛喜中勿許人物盛怒中勿答人簡趙清獻

心不清則無以見道志不確則無以立功要銓

淫聲邪樂攻心之鼓也綵色玩好伐性之斤也肥甘

厭娛腐腸之毒也芳馨盈鼻薰喉之藥也輦駟逸身

厭足之樞也墨子

拂雲之松生於一豆之實聳壑之石穿於一絲之溜

是以忽細故者禍必盈輕少敵者亡必驟抱子



得之艱難則失之不易得之既易則失之亦然子蘇

諦觀人世死有二焉觸名位之禍機冒衽席之畏途

碎金錄

處獨而後可以驗人之禮遇患而後可以驗人之節

臨財而後可以驗人之義當事而後可以驗人之智

馭下而後可以驗人之仁約久而後可以驗人之信疇

學欲其日益善欲其日加德欲其日起身欲其日省

體欲其日強行欲其日見心欲其日休道欲其日章

胡澹菴

君令而不違臣共而不貳父慈而教子孝而箴兄愛

而友弟敬而順夫和而義妻柔而正姑慈而從婦聽

而婉五者之中唯兄弟婦姑專主於和順至於君雖

得以令臣而不可違於理而妄作臣所以共君而不

可貳於道而曲從父慈其子必教以義方子孝其父

必箴其闕失夫以和倡婦尤當制之以義妻以柔從

夫尤當自守以正蓋三者乃三綱也所繫尤重故於

睦雍敬愛之中必有檢方規正之道庶幾各盡其分

而三綱立矣鶴林玉露

豺能殺虎鼠可害象一夫足以勝禹三戶可以亡秦同上

處事當以簡易簡以制繁易以制難便不費力郭仲晦

月二風少卷二

一六

人之毒於鄉毒於國毒於鳥獸草木不如毒其形毒  
 其命人之媚於時媚於君媚於朋友郡縣不如媚於  
 廢媚於室人之貪於權貪於位貪於取求聚積不如  
 貪於道貪於閑靜人之忍於毒忍於媚忍於詐惑貪  
 溺不如忍於貧苦忍於棄廢元次  
 以愛妻子之心事親則無往不孝以保富貴之心事  
 君則無往不忠以責人之心責已則寡過以怨已之  
 心怨人則全交要銓  
 得寵思辱居安慮危明心寶鑑  
 禮義生於富足盜賊起於饑寒同上

修身莫若敬避強莫若順

省心雜言

貪利者害已嗜慾者戕生肆傲者納侮諱過者長惡同上

見事莫說問事不知問事莫管無事早歸同上

諸君欲為君子而使勞已之力費已之財如此而不  
 為君子猶可也不勞已之力不費已之財諸君何不  
 為君子鄉人賤之父母惡之如此而不為君子猶可  
 也父母欲之鄉人榮之諸君何不為君子新知錄  
 能得其所樂者窮亦樂也通亦樂也不能得其所樂  
 者窮亦弗樂也通亦弗樂也知自足者窮亦足也通  
 亦足也不知自足者窮亦弗足也通亦弗足也顏子

簞瓢而晏如齊景子駟而長嘆夫人可以悟矣同上

黃金滿贏不如教子一經賜子千金不如教子一經漢書

凡人生而無業及有業而喜於安逸者家富則習為

下流家貧則必為乞丐

凡人生飲酒無度食物無筭好淫濫習博奕者家富

而必至於破蕩家貧而必為竊盜

論學便要明理論治便要識體近思錄

慎言語養德之大節飲食養生之大薛子粹言

長莫長於博謀安莫安於忍辱光莫光於修德樂莫

樂於好善神莫神於至誠明莫明於體物潔莫潔於

謹獨吉莫吉於知足苦莫苦於多欲悲莫悲於精散

病莫病於無常憂莫憂於貪圖短莫短於苟得孤莫

孤於自恃危莫危於任疑敗莫敗於多私陸賈新語

有陰德者必有陽報有德行者必有昭名同上

非所言勿言以避其患非所為勿為以避其危非所

取勿取以避其詭非所爭勿爭以避其聲同上

窮而明道無負於孔孟學者所當勉也達而行道有

負於孔孟學者所當戒也謝疊山

趙清獻公無一事不可以告天司馬溫公無一事不

可以告人雜言

人未已知不可急求其知人未已知不可急與之合

薛子  
粹言

一字不可輕與人一言不可輕許人一笑不可輕假

人同上

志不可放倒身不可放弱

胡子  
粹言

窮理後便有才誠意後便有德

同上

操持要極其謹密窮理要極其精微應事要極其詳

審規模要極其宏大

同上

幸生太平之世無兵禍又幸一家骨肉飽煖無饑寒

又幸榻無病人獄無囚人非清福而何

胡力  
詔

財色之於人譬如小兒貪刀刃之蜜甜不足一殮之

美然有截舌之患也

佛  
言

窮察秋毫物駭而逃

一生之計通塞貴賤自有定命一家之計饑寒飽煖

亦有定分皆非智力所能為也營營何益徒自苦耳

況世路方艱惟退藏為得策且只一觴一咏笑傲自

適閑閣焚香讀書以窮性命之理著書以寓經濟之

意賦詩以發喜怒哀樂之心浩歌以暢幽閒曠遠之

趣焉往而不自得哉營營然者力務去之勿容其少

留也

富  
簡

凡人為善不當望報且如救護生命彼物何知雖然  
 得脫死就生何從識救我者為善人天地神明雖云  
 疎而不失亦何曾事事而察之然善人須得善報者  
 由心田耳心田中下得善種自然生出善果故凡為  
 善不望報者其種不惡也若更加之以性理之學所  
 謂我說法要譬彼天澤蓋使善根益得滋長耳同上  
 豐富之家不能由禮其禍必至破家喪產而後已使  
 能幡然從儉一可以養德二可以養福三可以養壽  
 四可以養廉身而子子而孫常常享此豐富豈不善  
 哉禁奢崇儉論

人之有子須使有業貧賤有業不至於饑寒富貴有  
 業不至於非為凡富貴之子弟耽酒色好博奕異衣  
 服飾車馬羣小為伍以至破家者非其本心之不肖  
 由無業以度日遂起為非心也小人贊其為非之心  
 則有哺啜錢財之利常乘間而贊成之子弟早宜省  
 悟居家必用  
 余見名門舊族莫不由祖宗忠孝勤儉以成立之莫  
 不由子孫頑率奢傲以覆墜之成立之難如升天覆  
 墜之易如燎毛言之痛心爾宜刻骨柳玘戒子弟  
 終身讓路不枉百步終身讓畔不失一段朱仁軌

為善自是士人常事今乃規身後福報若市道然吾  
深恥之使無禍福報應可為不善耶

陸放翁家訓

凡人行已公平正直可用此以事神不可恃此以慢  
鬼神事大夫畏大人為言况下此者哉彼有行已不  
當理者中有所歉動輒知畏猶能避遠灾禍以保其  
身至於君子而偶罹於灾禍者多由自負以召致之

耳袁氏世範

為善之人非獨其宗族親戚愛之朋友鄉黨稱之雖  
鬼神亦陰相之為惡之人非獨其宗族親戚叛之朋

友鄉黨怨之雖鬼神亦陰殛之故積善之家必有餘

慶積不善之家必有餘殃

王陽明論俗鄙言

見人之為善我必愛之我能為善人豈有不愛我者  
乎見人之為不善我必惡之我苟為不善人豈有不  
惡我者乎故凶人之為不善至於殞身亡家而不悟  
者由其不能自反也

同上

為學是為己當然之事譬如喫飯乃是要自家飽既  
飽何必問外人知不知盖與人初不相關也  
學不必博要之有用仕不必達要之無愧學而無用  
塗車芻靈也仕而有愧鶴軒虎冠也

鶴林玉露

夜者日之餘也吾必繼晷焉燈必新薪必燃膏必焚  
燭必秉蠟必濡螢必照月必帶雪必映光必隙明必  
借暗則記胡澹菴遺

夫學者所以求益耳見人讀數十卷書便自高大凌  
忽長者輕慢同列人疾之如仇敵惡之如鴟梟如此

以學自損不如無學也顏氏家訓

名之與實猶形之與影也德藝周厚則名必善焉形

色殊麗則影必美焉今不修身而求令名于世者猶

貌甚惡而責妍影于鏡也同上

清慎勤乃居官三字符也錄雪亭雜言

今也有千金之產而其家主者博奕焉酒色焉與不  
逞之奴客狎而玩焉則其千金之資人孰不視之為

外府耶楊子

物或益之而損或損之而益衆人皆知利利而不知

病病惟聖人知病之為利知利之為病故再實之木

其根必傷掘藏之家後必有殃喻名

凡其光明正大疏暢洞達如青天白日如高山大川

如雷霆之為威如鸞鳳之為祥磊磊落落無纖芥可

疑者必君子也而其依阿澆忍回互隱伏糾結如蛇

蚓瑣屑如蛾虱如鬼蜮狐蠹如盜賊詛咒閃倏狡獪

不可方物者必小人也朱子

譽以論善則辭以極善為工毀以宣過則言以窮惡

為巧劉子

逆理則處處生顛倒順理則所所合自然胡子辨言

物必先腐也而後蟲生焉人必先疑也而後譖入焉

小人雖巧安能間無疑之君子哉蘇子

良藥苦口而利於病忠言逆耳而利於行家語

酒極則亂樂極則悲史記

畏鞭箠之嚴而不敢諫其父非孝子也懼斧鉞之誅

而不敢諫其君非忠臣也楚策

以財交者財盡而交絕以色交者華落而愛渝是以

嬖色不敝席寵臣不避軒同上

使人有所畏不若使人有所愧盖有所愧則不忍欺

而有所畏則不敢欺陳子

天下之事嘗貴於通而畏於拘天下之弊常生於偏

而杜於全文贈

言有台禍也行有招辱也君子其慎所立乎荀子

馭之以智則人詐示之以疑則人偷接不以禮則徇

義之意輕撫不以恩則效忠之情薄懷鄙詐而求顏

色之不形顏色形而求觀者之不辨觀者辨而求衆



庶之不惑衆庶惑而求叛亂之不生自古及今未之有也

陸宣公

善除弊者不去弊天下之事將欲奪之必先與之將欲拘之必先縱之苟驟禁而遽絕未有不反受其害者也故善除弊者初未嘗驟去其弊也徐以待之默以觀之使奸態偽迹蠶起于前然後從而鋤其窟穴則弊不得而遁矣

呂子

智小不可以謀大德狹不可以處廣以小謀大必危

以狹處廣必敗

劉子

為人僕而詐其主與為臣而欺其君者則何以異焉

王左輔氏

善托者亦善成不善成者必不善托

劉子

人各有死死重於義則視之如泰山若義重於死則視之如鴻毛故非其義君子不輕其生得其所君子不受其死

白居易

士必慤而後智能著不慤而多能譬之豺狼不可近

名喻

君子之樂天知命也其身可抑而道不可屈其位可排而志不可奪

李蕭遠

勢利之途猶萬仞之淵深則沒淺則出君子即趨而

避之且恐不免而又深求可乎樵談

安步以當車無罪以當貴清淨真正以自虞齊策

欲節慾莫如剛欲遠讒莫如明欲去欺莫如敬吳公許

禮以防瀆瀆則僭僭則淫淫則亂亂則滅喻名

悅於人之耳目而適於用用之而不敝取之而不竭

賢不肖之所得各因其才仁智之所見各隨其分才

分不同而求無不獲者惟書乎今之學者乃有書而

不讀焉寧不為可惜哉蘇子

夫志氣之帥也志不立則氣昏是以君子以立志為

事精神心思凝聚融結而不復知有其他然後此志

常立神氣清明一有私欲即便知覺自然容住不得

矣陽明子

人之峭急淺露者必無所蓄積必不能容物作事則

輕易而寡成寬緩深沉者則所蓄必多於物無所不

容作事則安重有力而事必成薛公文

人知不善而猶為不善是亦未嘗真知若真知決不

為矣程明道

夫貴不與富期而富至富不與梁肉期而梁肉至梁

肉不與驕奢期而驕奢至驕奢不與死亡期而死亡

至累世以前坐此者多矣國策

逐於物者蔽於物而虛其中者斯足以燭物也子陳  
 太陽當空羣陰盡伏一蔽既徹羣疑皆亡子陸  
 君子以仁義為竿以彝倫為絲以六藝為餌以廣居  
 正位為盤石以道德為淵以堯舜禹湯周孔相傳心  
 法為魚日涵而月泳之至而後取不躡其等不計不  
 必積久而通小大必獲夫然後道可致也李夢陽氏  
 今者巧出偽作風澆氣薄嬰兒設機弄女婦事游譎  
 賤胥握文洪富室擅筆撲訟獄煩滋世道交削然無  
 位于時且弗敢議也聲色以汨之利欲以汙之羞愧  
 以鉢之浮詐以塗之闇昧錯穢敗厥良彝此子之所

大懼而不敢不養也

方遜志

夫聖賢者良田也仁義忠信者穀種也經書者鎡基  
 也物欲者稂莠螟蟲也存養省察者灌溉之力也美  
 大聖神者秋成之候也必擇夫良田毋舍人之田而  
 芸人之田也必慎布其穀種毋慕莠稗之易熟參之  
 也必利其鎡基毋徒待其時之至也必勇決以去其  
 稂莠螟蟲毋留戀而不舍也必時加灌溉之力毋怠  
 惰自安不昏作勞也必優游以俟秋成之候毋掘而  
 助之長也由是則苗而秀秀而實穰滿家而用之弗  
 窮矣由是貢于天庖和羹惟需也薦于郊廟黍稷惟

馨也布于蒼生天下可以無饑也勉之張子  
 無多言多言多欲無多事多事多害安樂必誠無行  
 所悔勿謂何傷其禍將長勿謂何害其禍將大勿謂  
 不聞神將伺人焰焰不滅炎炎奈何涓涓不壅終為  
 江河綿綿不絕或成網羅毫末不刈將尋斧柯誠能  
 慎之福之根也口是何傷禍之門也強梁者不得其  
 死好勝者必遇其敵盜憎主人民怨其上君子知天  
 下之不可上也故下之知衆人之不可先也故後之  
 溫恭慎德使人慕之執雌持下人莫踰之人皆趨彼  
 我獨守此人皆感之我獨不徒內藏我智不示人技

我雖尊高人弗我害誰能於此江河雖左長于百川  
 以其早也天道無親常與善人誠之哉家語  
 口起於微而為用且博能不違於道可化可令可誥  
 可訕以推乎生物及其縱而不慎反為禍矣韓子  
 口者關也舌者鑰也出言不善駟不及也口者射也  
 言者矢也言不中節反自傷也舌者虛也言者風也  
 無足而行無翼而飛也是以聖人當言而懼臨發而  
 憂如蹈炎火如履春冰也甚矣言之不可不慎也蔣氏  
 子孫仕官有犯賊濫者不得放歸本家亡歿之後不  
 當葬於大塋之中不從吾志非吾子孫包孝肅公家訓

過者怨之梯也怨者禍之府也禍之所生必由積怨  
 過之所始多因忽小小過之來出于意表積怨之成  
 在於慮外故其來也不可悔其成也不可防防怨不  
 密而禍害臻焉是以智慮者禍福之門戶動靜者利  
 害之樞機不可不慎也子劉  
 智者見利而思難闇者見利而忘患思難而難不至  
 忘患而患反生上同  
 信者行之基行者人之本人非行無以成行非信無  
 以立上同  
 君子不以夜浴而改容不以昏行而變節不以視之

不見而後其心聽之不聞而變其情喻名  
 肝受病則目不能視腎受病則耳不能聽脾受病則  
 口不能食心受病則舌不能言受病於人之所不見  
 則其病必發於人之所見矣是知顯者隱之影明者  
 晦之響也君子欲無得罪於眾必先無得罪於獨子  
 謂天蓋高而聽甚卑謂神蓋幽而察甚明暗昧之事  
 未有幽而不顯昏惑之行無有隱而不彰以人不知  
 則鬼神知之鬼神不知則已知之而云不知是盜鐘  
 掩耳之智也子劉  
 迷於利欲者如醉酒之人人不堪其醜而已不覺也

薛敬軒

一念之善景星慶雲一念之惡烈風疾雨

續自警編

舟不覆於龍門而覆於夷壑車不摧於太行而摧於

康衢蓋難者人所畏易者人所忽是以君子難其難

不易其易

民間書

以火鍊金則金益精以事鍊心則心益精

子順

登高者未必跌而常覆車於夷塗夜坐者未必寐而

反失旦於昧爽

文贈

天下之禍不生於逆而生於順劔楯戈戟未必能敗

敵而金繒玉帛每足以滅人之國霜雪霾霧未必能

生疾而聲色遊宴每足以殞人之軀久矣夫順之為

禍也

名喻

隕霜不殺者物之灾也逸樂終身者非人之福也

同上

與其圖之於滋蔓不若絕之於萌芽

陸宣公

善牧畜者謹轡勒於未放之時善牧民者嚴禮法於

未犯之日善牧心者弭思慮於未萌之時

屏山

繩人以焚廩浚井千古無孝子繩人以洗耳嚙薇千

古無廉夫繩人以剖心抉睛千古無忠臣是故責已

者當于無過中求有過取人者當于有過中求無過

延陵氏釋

月氏

七

心纔私便是放不必逐物馳驚然後為放心一放便是私不必恣情縱慾然後為私胡敬齋  
 聖人棄智以全真遣情以接物不為名尸不為謀府混然無際而俗莫能累矣劉子  
 快意事孰不喜為往往事過不能無悔者於他人有甚不快存焉豈得不動於心張無垢  
 拯溺救焚之人不可責以堂上之趨蹌荷戈執戟之士不可責以鄉人之揖遜喻名  
 天下之禍常起于人所恃而出于意之所不虞其故何哉人可以有德而不可恃其有德可以有才而不可恃其有才恃之所生禍之所萃也故聰明者智足以盡萬物之變才足以通萬事之要而心嘗欲然誇辭不出于口汰色不形于面以苟求於當世之人故能謀者獻其謀有力者効其力凡一藝一能之士皆為之竭力而不敢欺之以其所處者虛所求者廣而不自恃其聰明也方孝孺

結纓整冠之態勿以施之焦頭爛額之時繩趨尺步之規勿以用之救死扶傷之日程子  
 當貴盛之時人之奉我者非奉我也奉貴者也當貧賤之時人之陵我者非陵我也陵賤者也彼自奉貴

爾我何為而喜彼自陵賤爾我何為而怒子呂

昔人有言何以止謫曰無辯人之是非毀譽如水之

濕如火之熱久之必見豈能終掩其實者故有其事

不可辯也無其事不必辯也無其事而辯之是自謫

也有其事而辯之是益增已之惡而甚人之怒也皆

非所以自修而平物也子陽明

天不為人怒咨而輟其寒暑君子不為人之醜惡而

輟其正直子文中

君子持已譬之持壁全則壁不全則瓦成慾譬之防

川一決則潰敗四出而不可收拾忍性譬之滅火不

以水沃之則炎炎而上其勢將至於燎原矣是故君

子慎之子方城

天下同知畏有形之寇而不知畏無形之寇欲之寇

人甚於兵革禮之衛人甚於城郭有形之寇其來有

方猶可禦也至於無形之寇遊晏之中有陷穿焉謔

笑之中有戈矛焉堂奧之中有虎豹焉鄉鄰之中有

戎狄焉藏于杳然冥然之間而發于卒然忽然之際

非聖人以禮為之防則人之類滅久矣苟能真見無

形之寇則終日百拜猶恐其逸由禮三千猶恐其簡

也况敢厭惡其煩與拘耶子呂



君子好恭以成其名小人學恭以除其刑對君之坐  
 豈不安哉尚有蹉跌一食之上豈不美哉尚防哽咽  
 鴻鵠飛冲天豈不高哉螾繖尚得而加之虎豹之猛  
 人尚食其肉席其皮夫人為善者少為讒者多此身  
 若在安知禍罪不施也子妙明  
 宴安者衆惡之門以賢入者以愚出以明入者以昏  
 出以剛入者以懦出以潔入者以汚出殺身滅國項  
 背相望豈不甚可畏邪東萊  
 吾將養吾志於道而不希於世養吾行於德而不眩  
 於俗養吾浩然之氣以合自然之英養吾誠明之意

以入清明之境又將決吾心於仁義使不違決吾志  
 於中正使不過決吾身於天命使不憂決吾迹於遯  
 世使無悶陸希聲  
 傲凶德也儒者之道傲不可長庶人得之不保其四  
 體大夫得之不保其宗廟諸侯得之不保其社稷天  
 子得之不保其四海子一峰  
 常治無病之病故無病常治無患之患故無患廣談  
 處有事當如無事大事當如小事若先自張皇則中  
 便無主矣夏元吉  
 古人重立身今人重養身立身者超乎千古之上與

天地同流養身者借一粟以活微命役於萬物死於

萬變者也鄭思肖

尚志者忘形養心者忘道致道者忘心潘裕

卜以稽疑不疑何卜行已也正何以下為孔子

何嘗見明鏡疲于屢照清流憚於惠風袁嶠

吏書貪吾詞不付房隸卒貪吾不妄行杖獄卒貪吾

不輕繫囚朱勝

聞聲而人喜者曾結萬人緣作事而人喜者曾度千

衆劫識與不識而心生愛敬者五百年眷屬聞聲而

人惡者曾負宿世債作事而人惡者曾滅衆人德識

與不識而心生憤怒者三十年冤報玉牒書

貴人之德有常禮貌無高下一等相揖書劄無大小

一等作字飲食無精粗一等待客貴人之福有三衣

不嫌舊食不擇味此有福貴人好賢樂善急流勇退

此積福貴人多歡少憂深居簡出此享福貴人同上

人無禮則不平事無禮則不成家國無禮則不寧荀子

天下之事成於大度之士而敗於寒陋之小人蘇子

禮君子已孤不更名夫名父命也名不命之於父亦

猶身不受之於父乎父沒而名可改亦猶父沒而身

可失乎不孝莫大焉今之人乃有父存而自改其名

其為不孝更何如

鶴峰

人皆以饑寒為患不知所患者正在於不饑寒耳是

故乞食野人晉重耳之所以霸燎衣破竈漢光武之

所以興况下此者其可不知饑寒之味

齊楊誠

德業觀前面人名位觀後面人從前面觀之祇見我

不如人而益勵思齊之志從後面觀之祇見人不如

我而自消蹭蹬之憂

倪宗

心欲小而志欲大智欲圓而行欲方能欲多而事欲

鮮

淮南

錢乎錢乎骨肉親知以之而構怨釁公卿大夫以之

而喪名節勞商遠賈以之而殞軀命市井以之而競

毆戮大抵福于人少而禍于人多嘗視其形金苟兩

戈真殺人之物而人固莫之悟也錢乎錢乎以我之

貧求汝活我而不可得我固無柰汝何以我之不貪

汝欲殺我而不可得汝亦無奈我何

見聞搜玉

朝煙暮藹紫翠如滴橫如蛾眉蠹比螺髻山固以遠

為美也指一塊而視之則碎雜蕪穢矣涵天浴日上

下同澈圓光藏珠萬景凝璧水固以大為潔也計一

勺而視之則腐垢汗濫矣君子知此而所以置其身

者弗遠大焉可乎

同上

殷潤家國惟貴務農故周人以稼穡為王業根本秦  
 人以力田受爵賞漢人以力田應辟舉觀人制字富  
 從田為實地又必食之寡故田上只一口同上  
 不見可欲使心不亂故四勿以視為先同上  
 非澹薄無以明德非寧靜無以致遠非寬大無以兼  
 覆非慈厚無以懷眾非平正無以制斷淮南子  
 韜跡隱智以密其外澄心封情以定其內內定則神  
 腑不亂外密則形骸不擾劉子  
 忠孝仁義德之順也悖傲無禮德之逆也順者福之  
 門逆者禍之府同上

學無難易在人自覺纔覺退便是進纔覺病便是藥

以學為難者在不自覺也陳白沙

人之將疾者必不甘魚肉之味身之將敗者必不納

忠諫之言故臨死者謂無良醫之蔽將敗者謂無直

諫之臣劉子

讒嫉之人必好聞人惡惡聞人善妒才智之在己前

甚富貴之在其上猶嗟中有噎吞之思入目上有翳

決之願去吞決之情深則萋斐之辭作故揚蛾眉者

為醜女之所妒行貞潔者為讒邪之所嫉故讒邪之

蔽善人也猶朝日洞明霧甚則不見天沙石至淨流

濁則不見地雖有明淨之質而不發明者水霧蔽之也同上

當官不接異色人最好不止巫祝尼媪宜疎絕至於工藝之人亦不宜留于家又有本非儒者或假文辭或假字畫以媒進一與之洽即墮術中可不慎之薛文

清公

禍之至也人自生之福之來也人自成之禍與福同門害與利同鄰若非至精莫能分矣是以智慮者禍福之門戶動靜者利害之樞機不可不慎也劉子聖人知盛滿之難恃每居德而謙冲雖聰明叡智而

志愈下富貴廣大而心愈降勳蓋天下而情愈惕不以德厚而矜物不以身尊而驕民同上

君子高而能卑富而能儉貴而能賤智而能愚勇而能怯辯而能訥博而能淺明而能闇是謂損而不窮也同上

君子在榮以挹損為基有功而不矜有善而不伐遺其功而功常存忘其善而善自全情常忘善故能以善下物情恒存善故欲以善勝人同上

人有禍必懼懼必有敬敬則有福福則有喜喜則有驕驕則有禍是以君子祥至不深喜逾敬慎以儉誠

其身妖見不為戚逾脩德以為務故招慶於神祇災消而福降也上同

達人觀禍福之機鑒戒敗之原不以苟得自傷不以

過去自害上同

成立之難如升天從善如登也覆墜之易如燎毛從

惡如崩也子草木

死生天地之常理畏死不可以苟免貪生不可以苟

得上同

貴而忘賤災自驕生迷而不返禍因感起貴驕敗之

端也富奢衰之始也甚靳必大費過恡必多亡失乎

中道也上同

性見書喜讀其命必利科目性善營生計其命必豐

貨財作事憤戾者命多罹禍患所為狼疾者命多罹

死亡心慈者壽命長心刻者壽命促性不奸回世途

必無蹇滯性能孝友子孫必且賢達

雖小事不可為人囑托縱使救人于患難而自損廉

耻多矣己之德與他人之事孰輕孰重此事當盟之

于心不可忘也薛西原

善持貴者以謙善持富者以廉石瀆

自奉澹泊為益不少省財省氣力省煩惱自樂編


百年者人生之限也少也壯也老也三分之矣少則不能為老則不可為可以自奮者其惟壯乎故棄壯也而力學則可以樹業若耽晏安之醜毒而忘不朽之遠圖齒髮既衰而後以為悔也不亦晚乎聞然堂類纂  
 良農不以水旱廢耕良賈不以折閱廢市是故積學修行能為可貴而不能必貴也然而貴常在我矣勤生嗇施能為可富而不能必富也然而富常在我矣是故君子而貧賤命也使其為小人昏夜乞哀猶然貧賤也幸而為君子則自取也小人而富貴亦命也使其為君子秉義持禮猶然富貴也不幸而小人則

亦其自取也

嚴君平

學之于人大矣善學者以一日兼十日以一年兼十年以一人兼十人不善學者反是故騏驥天下之疾走也一日而千里若伏櫪而不馳則遊蟻過之矣鷓鵬天下之捷飛也瞬息而千里若戢翼而不奮則鷓鷯過之矣士人之學何以異於是聞然堂類纂  
 聞人過失如聞父母之名耳可得而聞口不可得而言也馬援戒子

百平... 生... 性... 志... 志... 志...  
 志... 志... 志... 志... 志... 志...  
 志... 志... 志... 志... 志... 志...  
 志... 志... 志... 志... 志... 志...  
 志... 志... 志... 志... 志... 志...  
 志... 志... 志... 志... 志... 志...  
 志... 志... 志... 志... 志... 志...  
 志... 志... 志... 志... 志... 志...



新刻胡子佩抄卷之二

文政庚辰



